

www.unidaspodemos.info

Queremos una Europa solidaria y democrática, del estado social, ecoloxista, feminista, que promueva la paz, asegure los derechos y les libertades, y protexa la diversidade cultural. Una Europa que s'ocupe de los problemas cotidianos de la xente, que respunda a los intereses de la mayoría y qu'asegure un futuro pa toos y pa toes.

Y por ello, proponemos diez exes pa cambiar Europa.

26 de mayu
elecciones
europees



**XUNÍES
PODEMOS
CAMBIAR**

**EU
RO
PA**



26 de mayu
elecciones
europees

M^a Eugenia
Rodríguez
PALOP



1. DEMOCRACIA

Les instituciones de la Unión Europea con lexitimidá democrática son les qu'han tener la última palabra. Por eso, tenemos que reforciar el Parllamentu frente a la Comisión y el Conseyu. Hemos evitar que sean los *lobbies* y los poderosos quien tomen les decisiones y continúen agravando les desigualdaes que vivimos. Hai que superar los trataos pa poner Europa al serviciu de la xente.

2. UNA ECONOMÍA PA LES PERSONES

Tenemos que dar vuelta a la economía y ponelo al serviciu de los intereses de la mayoría social. Ye imprescindible democratizar el gobiernu económicu de la Unión Europea, empezando pol Banco Central Européu, garantiendo un cambeo de modelu productivu que ponga los derechos en centru, qu'asegure salarios dignos y protección social pa toes y pa toos, y que lluche pola xusticia fiscal y en contra de la evasión d'impuestos de los ricos.

3. GARANTÍA DE DERECHOS

Frente a una Unión Europea que recorta, Europa tien que garantir los derechos sociales universales, como la sanidá, la educación, les pensiones o la vivienda, polos que lluchemos a lo llargo de décadas, y revertir la política d'austeridá de los últimos años, qu'entorga la xusticia social. Hai que frenar los recortes actuales en derechos y en llibertaes de la ciudadanía, y fomentar la cultura como base de la diversidá europea.

4. UN HORIZONTE MORÁU

Una revolución feminista. Les muyeres tán marcando'l camín pa construír una sociedá nueva y meyor pa toes y pa toos. Queremos una Europa que garantá la igualdá real de les persones LGTBI, con una lexislación que protexa la igualdá de tratu. Precisamos una Europa ensin discriminaciones nin violencia, que reconozca la decisión llibre sobre los nuestros cuerpos, con servicios públicos y salarios iguales, y con una economía que s'ocupe de les persones, poniendo la vida en centru.

5. PONTES, NON MURIES

Les elites quieren convertir Europa nuna fortaleza pa una minoría privilexada. Los derechos de les persones que migren son los nuestros derechos, por eso tenemos que construír sociedaes afayadices y llevar pontes onde otros lllevanten muries y muerte, creando vías legales y segures pa migrar y acabando coles devoluciones ilegales y la criminalización de les persones migrantes.

6. COMERCIO CON XUSTICIA

El comercio internacional nun tien por qué ser una ferramienta de lladroniciu y de control al serviciu de les elites, como ye hoi colos trataos comerciales. Europa ha facer del comercio un medio al serviciu de la prosperidá colectiva, sometíu a los derechos humanos, a los límites del planeta y a una economía ensin especulación, al traviés d'una política que fortalezca un texíu productivu y comercial que promueva la xusticia económica mundial.

7. UNA POLÍTICA EXTERIOR NUEVA

El papel d'una Europa non subordinada a Trump, nun mundo militarizáu y atravesáu por conflictos crecientes, ha ser fomentar la paz, la solidariedá, la xusticia universal, la democracia, el multilateralismo y el derecho internacional.

8. UN HORIZONTE VERDE

El cambeo climáticu esixe midies urxentes pa una revolución ecolóxica qu'articule un cambeo de modelu productivu y promueva la sostenibilidad, los derechos pa les persones y una relación nueva pa colos animales. Un modelu qu'asegure empregos de calidá, soberanía de los sectores estratéxicos frente a la *uberización* de la economía y una transición enerxética xusta que nun dexa atrás a naide. Nun podemos permitir que los beneficios d'una minoría pongan en peligrú'l nuestro planeta. Porque nun tenemos otu.

9. SOBERANÍA ALIMENTARIA

El sector primariu precisa d'una política xusta y sostenible qu'articule un paradigma nuevu de relación ente les consumidores y los consumidores, ente les productores y los productores y el planeta, basáu en derechos y non na lóxica del mercao. Ye precisu dar vuelta a la Política Agraria Común y a la Política Pesquera Común pa facer viables les explotaciones agraries, ganaderes y pesqueres de tamañu pequeñu y medianu, y que nun sirvan al beneficiu de los grandes propietarios.

10. MUNDO RURAL VIVU Y XUSTICIA TERRITORIAL

Europa ha llograr la cohesión social y territorial ente los sos pueblos. Pa ello, ye precisu garantir el derecho universal al agua y a otros bienes comunes baxo'l control públicu, una democracia territorial que refuerce'l papel de los conceyos, la solidariedá ente rexones europees y qu'apueste por infraestructures que vertebran el territoriu en cuenta de los beneficios empresariales.